



## Universitätsbibliothek Paderborn

**Theologia Moralis Universa, Complectens Omnia Morum  
Præcepta, Et Principia Decisionis Omnium Conscientiæ  
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus de Conscientia, de Legibus, de Peccatis, de Virtutibus  
Theologicis, de Religione, & Beneficiis. Adjunctis in hac editione  
Propositionibus ad hanc usque proscriptis

**Antoine, Paul-Gabriel**

**Ingolstadii, 1734**

**VD18 90392140**

Q. 1. Quinam habent potestatem Dispensandi?

**urn:nbn:de:hbz:466:1-40986**

*Resp.* II. Uti licet Epichia, quando evi-  
dens est, non posse servari Legem sine  
gravi damno, cum quo constet Legem  
non obligare, saltem si adiri nequit Supe-  
rior. Nam tunc certò, & prudenter ju-  
dicamus Legem non obligare in tali ca-  
su.

*Resp* III. In dubio, num aliquis casus  
comprehendatur in Lege, debet consuli  
Superior, ex Cap. 31. de sent. excom. & l.  
ult. Cod. de Legibus. Si non possit consu-  
li, non licet uti Epichia, sed servanda est  
Lex. Ita S. Thom. 2. 2. q. 120. a. 1. ad. 3.  
*Azor, & alii.* Quia in dubiis tutior pars  
semper eligi debet. Nec tunc absque de-  
terminatione Superioris formari potest ju-  
dicium prudens, & moraliter certum L-  
gem non obligare.

## CAPUT VI.

### *De Dispensatione.*

**N**Ot. Dispensatio est relaxatio Legis,  
seu exemptio à Legis obligatione in  
aliquo casu particulari, ubi Lex cætero-  
quin obligaret. Hinc differt 1. ab inter-  
pretatione, quā non relaxatur obligatio,  
sed solum declaratur Legem non obligare  
in certis casibus. 2. à privilegio, quod est  
facultas permanens concessa per modum  
Legis, & sœpè non est contra, sed præter

Legem. 3. à Licentia , seu permissione ,  
qua non relaxatur obligatio Legis , sed so-  
lum apponitur conditio sub qua Lex non  
obligat.

*Q. I. Quinam habent potestatem Di-  
spensandi?*

*Not.* Potestas Dispensandi est potestas  
jurisdictionis , & duplex est , nempe ordi-  
naria , & delegata . Ordinaria est ea , quæ  
alicui competit ratione officii , seu ex vi  
sui muneris . Delegata est ea , quæ habe-  
tur ex concessione illius , qui habet ordi-  
nariam . Hæc conceditur , vel ab homine ,  
vel à jure . Si jure datur , transit in ordi-  
nariam , vel ei æquiparatur . Si datur ab  
homine per privilegium , non exspirat  
morte concedentis . Si vero datur per  
simplicem commissionem , cessat mortuo ,  
vel a morto delegante , si res est integra .

*Resp. I.* Ex communi sententia Theolo-  
gorum , Nullus homo habet potestatem  
dispensandi in Legibus divinis , etiam merè  
positivis . Quia nemo habet potestatem  
relaxandi obligatioem à Deo impositam ,  
nisi specialem ad hoc potestatem à Deo ac-  
ceperit . Nam inferior non potest pro-  
pria autoritate relaxare obligationem  
impositam à Superiore : autoritas enim  
inferior non potest Superiori prævalere ,  
nec derogare . At nemo accepit à Deo  
po-

potestatem relaxandi obligationem Legum divinarum: nam talis potestas neque ex traditione probari potest; & aliunde non expedit bono Ecclesiæ, quæ non posset suam unitatem, uniformitatem, & constantiam in fide, & in cultu divino servare, nisi Leges divinæ essent prorsus hominibus indispensabiles. Præterea Leges merè positivæ à Christo latæ ad fidem, & Sacra menta, ac Sacrificium Eucharistiae, quæ sunt Religionis nostræ fundamenta, pertinent: ideoque sunt fundamentales, ac proinde debent esse immutabiles respectu omnium: alioqui si mutarentur, mutaretur religio substantialiter. Unde Trident. sess. 21. c. 2. clarè indicat Ecclesiam non posse mutare substantiam Sacramentorum. Itaque circa Leges divinas etiam merè positivas Deus solum concessit Ecclesiæ potestatem illas interpretandi, & declarandi casus, ad quos Lex divina non extenditur.

*Resp. II.* Potestatem Ordinariam dispensandi in Lege humana habet 1. Is qui eam tulit, nam ejusdem potestatis est ferre Legem, & in ea dispensare. 2. Successor Legislatoris cum pari potestate. Nam si Legislator habet, ergo & is, qui habet æqualem imò eandem potestatem. 3. Qui habet potestatem Legislatori superiorum circa eosdem subditos. Nam si inferior habet potestatem ordinariam dispensandi, à

fortiori habet ejus Superior, qui etiam potest Legem inferioris abrogare.

Hinc Papa habet potestatem ordinariam dispensandi in omnibus Legibus Ecclesiasticis, etiam ab Apostolis latis: quia parrem habet jurisdictionem cum Petro Apostolorum Principe, cuius est Successor.

*Resp. III.* Inferior non habet potestatem dispensandi in Lege Superioris, nisi ex ejus concessione. *Quia 1. Ex Clement.* *2. de Elect.* *Lex Superioris per inferiorem tolli non potest.* *2.* Inferior non potest tollere obligationem impositam à Superiori sine ejus consensu. Nam inferior non potest derogare, nec prævalere auctoritati Superioris: alioqui inferior esset ipso Superiore superior.

Potest tamen inferior habere potestatem dispensandi delegatam. Quia Superior potestatē dispensandi exercere potest per alium, & sic eam alteri concedere: nam *potest quis per alium, quod potest facere per se ipsum.* *Reg. Fur. 68. in 6.*

Hinc 1. Episcopi, & omnes alii Prælati Papæ inferiores non habent potestatem ordinariam dispensandi in Jure communi, & Legibus Papæ. ex Cap. 15. *de tempor ord.* ubi damnatur Episcopus, quod uno die plures ordines, licet de mandato Metropolitani, contulisset, eo quod dispensatio in hoc non fuerit à Canone concessa.

Ha-

Habent tamen delegatam in certis casibus: nam dispensare possunt in Lege communi ex concessione Concilii, vel Papæ expressa, vel tacitâ, aut legitimè præsumptâ. Unde potest non solum quando in Lege expressè dicitur, Episcopos posse dispensare in ea, ut patet; sed etiam quando est consuetudo dispensandi ex Cap. 13. *de foro compet.* Vel quando necessitas dispensandi in aliquâ Lege sœpè ocurrat, ut in Festis, & jejuniis; vel quando dubium est, an res egeat dispensatione; vel quando ocurrat gravis, ac urgens necessitas dispensandi, nec potest recurri ad Papam, aut periculum est in mora, ob scandalum, aut gravissimum detrimentum imminens. Nam in his casibus ex communi censetur potestas dispensandi Episcopo concessa, cum hoc postulet bonum commune, sitque necessarium ad ordinarium, & rectum regimen animarum.

2. Episcopus, vel Archi-Episcopus non habet potestatem dispensandi in Legibus Concilii Provincialis, aut Nationalis, nisi ex concessione ejusdem Concilii, vel Papæ. Quia sunt Leges conditæ authoritate superiori: nam Concilium Provinciale est unum Corpus Mysticum habens propriam, & distinctam jurisdictionem maiorem jurisdictione singulorum Episcoporum, qui proinde subjiciuntur ejus Legibus. Aliud est de Legibus latius ab Episco-

po in Synodo Diœcesanâ, vel de consensu Capituli. Nam Episcopus habet potestatē ordinariam in iis dispensandi, quia sive in Synodo, sive in Capitulo, tota potestas condendi Leges penes Episcopum est; neque ex Episcopo, & Parochis aut Canoniciis fit Corpus Mysticum, quod jurisdictionem habeat majorem jurisdictione Episcopali.

3. Archi-Episcopus non habet potestatē ordinariam dispensandi in Legibus Episcoporum suæ Provinciæ. Quia non est Superior Episcopi, neque ejus Diœcesanorum, nisi cùm actu visitat Diœcesim, aut in casu appellationis.

*Nota.* Prælati, qui habent potestatem dispensandi quoad Leges, vota, & juramenta possunt etiam secum dispensare saltem indirectè, committendo scilicet alteri potestatem dispensandi secum. Quia Prælati non sunt deterioris conditionis, quam subditi, qui in promptu habent, à quo possint dispensationem accipere. Imò id possunt etiam directè, & immediatè per se: quia hoc nullo jure prohibetur. Nec repugnat, quod quis in se exerceat jurisdictionem omnino voluntariam, quæ non sit condemnativa, nec absolutiva; nam ad hoc per se non requiritur distinctio personarum.

Q. 2.